

BCX
BALKAN CRYPTO EXCHANGE

E-book II

KRIPTO ZA POČETNIKE

BALKAN CRYPTO EXCHANGE



KAKO ZAMIJENITI KM U KRIPTOVALUTU?

U slučaju da nemate novčanik za kriptovalutu koju ćete koristiti u procesu mijenjanja sredstava, kliknite na opciju „**Novčanici**“ sa lijeve strane, te kreirajte novčanik za potrebnu kriptovalutu. Kada ste napravili novčanik kliknite na opciju „**Mjenjačnica**“ sa lijeve strane. Potrebno je da popunite podatke o iznosu i vrsti sredstava koje mijenjate. Izaberite valutu iz koje želite da mijenjate. U ovom slučaju to su konvertibilne marke. Zatim izaberite kriptovalutu u koju želite da promijenite iznos. Unesite visinu iznosa koju mijenjate.

Stranica će vam automatski nakon unosa pokazati količinu sredstava u zamjeni, visinu provizije i iznos koji dobijate. Da biste završili postupak, unesite vašu transakcionu lozinku, te kliknite na „**Pošalji**“. Na sljedećoj stranici kliknite na „**Potvrđi nalog**“. Nakon uspješno izvršene zamjene, u roku od nekoliko sekundi, vidjećete promjenu stanja na vašim novčanicima.



KAKO ZAMIJENITI KRIPTOVALUTU U KM?

Ulogujte se na **bcx.ba** i kliknite na opciju „Mjenjačnica”. Na sljedećoj stranici izaberite valutu iz koje želite da mijenjate. U narednom polju izaberite konvertibilne marke i unesite visinu iznosa koji mijenjate.

Stranica će vam automatski nakon unosa pokazati količinu sredstava u zamjeni, visinu provizije i iznos koji na kraju dobijate. Da biste završili postupak unesite vašu transakcionu lozinku, te kliknite na „Pošalji”. Na sljedećoj stranici kliknite na „Potvrđi nalog”.



KAKO ISPLATITI KM NA SVOJ BANKOVNI RAČUN?

Da biste isplatili sredstva na vaš bankovni račun potrebno je da pratite sljedeće korake. Nakon logovanja na **bcx.ba** kliknite na opciju „**Novčanici**“ sa lijeve strane. U polju „**Moj KM novčanik**“ kliknite na opciju „**Isplata**“. Na novoj stranici prije unosa potrebnih podataka, možete pogledati informacije o limitima, minimalnim i maksimalnim iznosima isplate, broju preostalih isplata u toku dana, te vremenu potrebnom za procesuiranje isplate. Takođe, možete dobiti i dodatne informacije klikom na „Više informacija o limitima“.

Da nastavite proces odaberite način isplate. Ovog puta biramo „**Transfer putem banke**“. Zatim unesite iznos. Ispod ovog polja vidjećete informacije o vašem računu koji ste verifikovali. Za kraj unesite transakcionu lozinku te **2FA kod** iz vaše autentifikator aplikacije, kliknite na „**Pošalji**“ i završite proces. Na sljedećoj stranici možete pratiti status vaše transakcije. Imajte u vidu da se platni promet u Bosni i Hercegovini vrši samo radnim danima, tako da sve isplate koje su kreirane petkom iza 15 časova neće biti procesuirane prije ponedjeljka.



KAKO ISPLATITI KM NA SVOJ PAYPAL RAČUN?

Proces isplate sredstava na PayPal račun vrlo je sličan procesu isplate putem banke. Kliknite na opciju „**Novčanici**“ zatim kliknite na opciju „**Isplata**“ u polju „**Moj KM novčanik**“. Na novoj stranici odaberite način isplate putem PayPal-a te unesite iznos koji želite da isplatite.

Ako do sada niste vršili isplate putem PayPal-a potrebno je da dodate email adresu vašeg PayPal računa. To ćete uraditi klikom na „**Dodaj email od PayPal računa**“ te ponovo na novoj stranici kliknite „**Dodaj email od PayPal računa**“. Unesite email te kliknite na „**Pošalji**“. Nakon što ste dodati PayPal račun, možete završiti proces isplate unosom transakcione lozinke, te unosom 2FA koda iz autentifikator aplikacije. Za kraj kliknite na pošalji.

Bitno je napomenuti da provizija koju PayPal uzima tokom isplate iznosi 3% od ukupnog isplaćenog iznosa. Takođe provjerite da li je vaš PayPal račun podešen da prima uplate i koji je maksimalni limit uplate odobren od strane PayPal-a.



KAKO DODATI ADRESU PRIMA OCA I IZVRŠITI SLANJE KRIPTOVALUTE?

Da biste dodali adresu za slanje koina te poslali koine, potrebno je da nakon logovanja uradite sljedeće. Kliknite na opciju „**Novčanici**“ sa lijeve strane. U ovom slučaju želimo da pošaljemo bitcoine te u sklopu bitcoin novčanika kliknemo na „**Slanje**“. Na novoj stranici je potrebno da odaberete adresu na koju želite da pošaljete iznos, ali u slučaju da nemate ni jednu adresu ili nemate onu koja vam je potrebna, kliknite na „**Dodaj adresu**“. Unesite 2FA kod, potvrdite unos, te na idućoj stranici dajte proizvoljni naziv adrese te unesite adresu.

Bitno je napomenuti da adresa mora biti potpuno tačna, jer u slučaju da pogriješite samo jedan broj ili slovo, koini mogu biti nepovratno izgubljeni. Kliknite na „**Pošalji**“. Na idućoj stranici imaćete uvid u registar svih adresa koje ste dodali, te ćete prilikom uplate moći da izaberete onu koju ste upravo dodali.

Sada na stranici za slanje koina izaberite adresu, unesite iznos koji želite da pošaljete, a druga dva polja će se automatski generisati, te ćete vidjeti informacije o proviziji i ukupnom iznosu koji ćete poslati. Završite proces unosom transakcione lozinke te klikom na „**Pošalji**“. Na sljedećoj stranici prvo unesite **OTP kod** koji vam je stigao na email i koji je validan 5 minuta, a zatim unesite **2FA kod** koji je validan dosta kraće. Kliknite na „**Pošalji**“ da biste završili slanje koina.



BUDUĆNOST JE OVDJE!



Kralja Alfonsa XIII br. 26
78 000 Banja Luka
www.bcx.ba



+387 51 229 406



info@bcx.ba



[bcxba](https://www.facebook.com/bcxba)



[bcx.ba](https://www.instagram.com/bcx.ba)



[BCX.ba](https://www.linkedin.com/company/bcx-ba)



[BcxBa](https://twitter.com/BcxBa)



[BCX Ba](https://www.youtube.com/channel/UC...)